

مدیری: ابن السری
احمد جودت

مؤسی: ابن السری
مصطفی نامق

آشیان

ادبی، علمی، سیاسی، اجتماعی، فنی، اخلاقی هفته لقم مجموعہ در

پنچشنبہ

ایکنجی جلد

نومرو ۱۵

برنجی سنہ

۱ ذی الحجہ ۱۳۲۶

۱۱ کانون اول ۱۳۲۴

داهی اعظم عبدالحق حامد بکک صوک فوطوغرافلری

مندرجات :

عبدالحق حامد	توفیق فکرت	صوغوق کیچہلر	امین بلند
شہل ۴ پردہ	حسین سعاد	پرومیں بیله تلری	ا. جودتی
نوریزمال	حسین سعاد	ایکی مبعوث	عمرسیف الدین
میعونلری استقبال	علی سعاد	قادرین روحی	جیل ساییان

استانبول

محل ادارہ سی: جفال اوغلندہ دائرہ مخصوصہ

آرتین آصادوریان مطبعہ می

۱۳۲۴



— بشنډی نسخه دن بری مایعد —

اسماعیل سری بك بیدق آلتدن کولیوردی . بواښاده مردیوهندن بریسی
چیقیوردی . نزیهه ایچری یه کیره رك :
— آغابكم کلیور . . . دیدی .

اوبوتون بوخواورآی دیگر او طهده بر رسمك ایشلرکن دویمشدی . اونك
بواخباری اوزرینه لاقیردی بی کسیدیلر . . .

وداد، اوکون مکتبده، جیبندن دفترک آشیراش اولدیغنه دقت ایدنجیه بردن
قلبی چارمیشدی . اونك بریسنك انه کچمش اولمسی احتمالی، وداد ایچون اك بویوك
برتهلكه ایدی . بوسره اك زیاده والده سیله پدرینك واقف اولمیسندن قورقاردی .
بالخاصه پدرینه قارشى او یله مفرطانه بر اطاعت مملوكانه سی وارديكه اونك سرت
برباقیشی ، ودادی، بوتون متانتلرینی او آنده کسر ایدن برتأثیرله تدهیش ایتمک
ایچون کفایت ایددردی . ایشته شمیدی بووقعه نك پدری طرفندن کشف ایدلمش
اولمسی قورقوسيله دامارلردن چکیلن قانلر ، قلبنه هجوم ایدهرك اونى عظیم بر
خاجان ایچنده بوغیوردی . اوت، بپدرینك انه کچدیه . . . وداد، آرتق بونندن
اوته سنی دوشونمکه قوت بولامیه رق دهشتندن تیریبور ونه یاباجغنی شاشیرارق
بر سرسری پریشانیله قوریدورده اوتیه بری یه دولاشیوردی . اواښاده عقلنه
کلن برچاره ایله همان مدیرك اوداسنه قوشدی . وراحتسزلغندن بحث ایدهرك
مساعده ایسته دی . بلکه اقشامدن یازیخانه سنك اوزرنده اونوتمش واحتمال هنوز

کیمسەنک آلنه کچمەمش اولاییلیدی... .

أوه کلدیکی زمان ایلك ایشی، قاپی آچان خدمتچی یه پدینک کلوب کلدیکی صورمق اولدی. او، هنوز یارم ساعت اول کلمشدی. شمدی بوسبتون زیاده لشن برخلجانله دوغرو اوداسنه چیقدی. ابتدا یازبخانه یه قوشدی. کتابلری، غزتلری الت اوست ایتدی. چکمه لری برر برر معاینه ایتدی. آلیسه لرینک جیلری ارادی، قاریولانک الله باقدی. کتبخانه یی قاریشیدیدی. قانه پهی برطرفه چکدی. بوتون بو عملیاتی بر عصیت متلاشیانه ایله بر ایکنجی دفعه تکرار ایده رکن کیتکجه ضعف پیدایدن برامیدله مایوس اولیوردی. اوائنده آلنده بر صراحی ایله ایچری یه کیره ن خدمتچی قادینه :

— ماری، بوراده کوچوک بردقتر. واردی؛ قالیدر دکمی؟ ... دیدی.

او، باشی صالایه رق :

— خیر... دییوردی. بوکون اودا کزه هیچ کیرمدم. یا لکز صاحیلین یا تاغکزی دوزه لئمک ایچون کلدیکم زمان ماصاکزک اوستنی خام افندی طوبایوردی... . اوزمان و داد، بیندن وورولشه دونه رک قوتسز باجقلری اوزرنده برایکی دفعه صالانیر کی اولدی. آرتق تمامیه امیدینی کسمشدی. احتمالک شو دقیقه ده دفتر، پدینک آلنده بولونیوردی. اوح، یاربی! شمدی نه یاپه جقدی؟ پدینک یاننه ناصل کیده جکدی؟ بر آراق کوزلرینه کورونمه کی دوشوندی. فقط بو، قابلمی ایدی؟ بر آز صوکر ا مطلقا صوفرا ده بولوشا جقلدی. هم بلکه بو صورتله پدین دها زیاده حد تلندیرمش اولوردی. نهایت هر شیئی کوزه آلی رارق کیتمکه قرار ویردی. قاپیدن ایچری یه کیره رکن امتخانلرده دویولان بر رعشه ایله تیر بیوردی. اسماعیل سری بک، هیچ بر شیئی بللی ایتمه ین طور یله :

— اوو، کل باقه لم آغا... دیدی.

وداد بهجت، کنیش بر نفس آلدقن صوکر ا، ابتدا پدینک صوکر ا والد سئک اللرینی او پهرک قاپینک یاننده بر صندالیه یه او طور دی. کزیده خام، اوکنه باقیوردی. نزیه کوله مک ایچون دیشاری یه چقدی. بر مدت هپی سکوت

ايتىدىلار. سو كرا اسماعيل سىرى بك، ھىچ بىر شى اولماش كېى داورانەرق او كا مەكتىبەدە او قود قلىرىنى سوردى. و داد بەھت، سۇال تەين ايتىدىكىن سو كرا قىلىندە درىن برانشراح ايله معلومانى سرف ايتىدىكىن بويوك بر ذوق آلان بر طلبە اطمنانيله اكلاتمە باشلادى. بر آرزو كرا مارى اچرى كىرەك:

— كوچوك بك، جمال افندى كلىدى... دىدى.

بو، اسكىدىن برى عائەلە مەنسوب بر ضابط ايدىكە كىچەلرى و داد بەھت ايله درس مذاكرە ايدىرلردى. ھەمان قالقىدى. اودان چىقىدى. آرتق تەمىلە مسترح ايدى...

يىمكىن سو كرا، جمال افندى ايله برلكدە يوقارى يە اودالرىنە چىقىدىلار. ايرتسى كون اچون رياضىدىن، حل اولنە حق وظيفەلر واردى. جمال افندى، كىتابى الارق مسودەدە قىلىنى و دادە اوزاتدى. شمدى قارشى قارشى يە بر معادله حل ايدىيورلردى و داد بەھت، يىنىك اچنە بو، زورلە سو قولق آرزو ايدىلن مشكل مشكلەلرى بر تورلو احاطە ايدەمەن پرىشان مەكرەسىلە، بر دستور تەنظىمە چالیشىر كن جمال افندى يوكسك سەلە:

— جامىچون بويە باپيورسك؟ دىيوردى. اوتوز درت مىم، زاندى قرق بش قاف... و داد، نە دىمك ايسەدىكەنە انتقال ايدەمىرەك:

— اوت، ايشە بىندە اويە يازدم يا... دىيور.

سو كرا معادله يى تەكرار باشدىن يازىيوردى: ۴۳ م + ۵۴ ن...

اوزمان جمال افندى، اونك اوتوز دردى قرق اوچ، قرق بشى اللى درت يازمەدەكى دالغىلغى، اسىنطاق اچون كوزل بروسىلە عد ايدىرك كىتابى قاپاتمش وودادى دىوام ايتىدىكىن مەن ايدىن بر اشارتە:

— دور، و داد بك... دىمىشى. بو آقشام سىندە بر دالغىلغى وار... نافلە نەسن يورول، نەدە بن...

اسماعيل سىرى بك، بر آراق، و دادك طىشارى يە چىقمە سىندن بالاستفادە مشكلە يى مختصر آو كا كلاتمش و بو اقشام اونك آغزىدىن حسىيات قلىپە سەنە عاندى تفصىلات

آلهه سنی اوندن رجایتمشدی .

شمدی و دادی یواش یواش استنطاق ایدهرکن او، حیرتندن بردنبره دوکشدی .
 دیمک اونک حالندن آرتق هرکس شبهه ایدیوردی . جمال افندی . دوام ایتدی :
 - اوت ، دییوردی . مطلقا بر سبب وار . بن سنک خواجهک اولمقدن زیاده
 بر بویوک برادرکم . بندن هیچ برشیکی صاقلامه . اگر اویله برشیء وارسه امین .
 اولکه موفقیتک ایچون ائلمدن کلدیکی قدر غیرت ایدهرم ...

و داد ، بوندن هیچ برشیء اکلایمیش کی کورونه رک حیرتله دیکلیوردی . جمال
 افندی ، اونک بوسکوتی ؛ اعترافه دوغرو برضعف کی تلقی ایدهرک ناطقه سنک
 بوتون طلاقه افاده سیله اونک آغزندن بر سر رشته آلق ایچون اک صوک غیرتی
 صرف ایدیوردی .

- امین اولکه . . دییوردی . بو خصوصده ایجاب ایدهرسه پدرکه بالذات بن
 یالوار پرومعودیتک ایچون هر برچاره یه توسل ایدهرم . نافله انکاره قالدیشمه ، بن
 هپسنی بیلورم . حتی کچن کون ...

بوراده لاقردی بی کسمش و کنديسنه بر آزده اسرار اکیزلک سورى ویرمک
 ایسته مشدی . و داد ، آرتق تمامیه قناعت ایدیوردیکه کتم ایتمکه هیچ برشیء
 استحصال ممکن اولمایاجق . هم پدرینک ، هرشیء اوکا کلامش اولدیفنه امین ایدی
 مادامکه بودرجه یه کلشدی . او حالده اعتراف ایتمکه نه باس وازدی ؛ بلکه اونلری
 حسیاتندن خبردار ایتمکه بو، حیاتی درین بریأس خسران ایچنده آزه
 امکانسز نقلره نهایت ویرمش اولاجقدی . هم ذاتا بدبخت دکلیدی ؟ ... بردن قرار
 ویردی . هرشیء سوبله یه جکدی :

اوت ، ژولیده بی سهویوردی . اوندن باشقه هیچ برشیء دوش-ویمیوردی .
 نه حیات . . نه استقبال . . نه ده اولوم ...

جیبچه

(مابعدی وار)